

Kubo kaj la virina rolo en la centro de la socia vivo



La internacia virina konferenco okazinta en Danlando iniciatis en la jaro 1910 la 8-an de marto kiel internacia tago de virinoj, dato kiun multaj virinoj tra la mondo komencis celebri, kvankam ne ĉiuj virinoj havas tiun rajton. La ĝenerala asembleo de UN deklaris ĝin oficiale en 1975.

En Kubo oni ĝin celebris unuafoje en la jaro 1931 kiam oni solene omaĝis tiun tagon en la havana laborista centro, tamen, la polico intervenis kaj forpelis tute abrupte la solenantojn.

Kompreneble, tio efikis tute male al la deziroj de la tiamaj aŭtoritatoj kaj de tiam okazis manifestacioj kiujn amase partoprenis virinoj postulantaj siajn rajtojn. Iom post iom tiuj manifestacioj pli amasiĝis kaj kontribuis al socia progreso kaj emancipiĝo de la virinoj.

Depost la revolucia transformo de la jaro 1959, nova etapo malfermiĝis al virinoj en la kuba socio gviditaj de la kreita federacio de kubaj virinoj, kiun la kuba prezidento Fidel Castro mem impulsis por partoprenigi virinojn en la sociajn ŝanĝojn entreprenitajn de la revolucia procezo tra la tuta lando.

Hodiaŭ la virina tago estas ĝiam bela okazo por danki kaj rekoni la virinan kontribuon al la kuba socio. Pli kaj pli iĝis regulaj la okazigo en la insulo de eventoj internaciaj kiu allogas multajn interesitojn pri la virina agado en la kariba lando.

Tiamaniere, la kuba sperto pri formado de virinaj labor-rimedoj estis prezentita en la Kongreso Iberoamerika de Scienco, Teknologio kaj Ĝenero, interalie.

Kubo posedas pli ol 78 mil gelaboristojn en la scienca sektoro, kaj el ili, 53,2% estas virinoj, kaj ĝuste tial, la iniciatoj de la insulo en tiu ĝi laborkampo konsistigaĝs interesan temon por alilandaj fakuloj kaj interesitoj pri la virina rolo en la socio nuntempa.

Fakuloj de diversaj organizaĵoj internaciaj raportas ke ili elektas Havanon por tiaj kunsidoj pro la evoluo atingita de la virinoj en tiuj laborsferoj tutlande, kie ili okupas 66% de la teknika kaj profesia laborforto, kaj ekzistas 29 katedroj de virinoj en centroj de supera edukado.

Kubo estis la unua lando subskribinta kaj la dua kiu ratifis la konvencion pri la elimino de ĝiuj formoj de diskriminacio kontraŭ la virinoj, laŭ raporto trovebla en la retejo de la konsilantaro pri homaj rajtoj.

Spite al la sieĝo ekonomia, financa kaj komerca altrudata de Usono dum pli ol 50 jaroj, Kubo plenumis grandparte la Celaron de la Jarmilo de UN, aparte tiun pri la promociago kaj enposteniĝo de la virino.

La virinoj estas je 62,8% de la universitataj diplomiĝintoj kaj rezulte de agadoj strategiaj kiuj alstrebas al ties rolo en publikaj postenoj, Kubo okupas la kvaran lokon je monda nivelo en la nombro de virinoj kiuj havas lokon en la parlamento kaj en la ĝtato kaj la dua en la Amerika kontinento.

Sendube, en tiu ĝi tago de la virinoj, Kubo denove festos kaj omaĝos virinojn pro ilia valora kontribuo al konstruado de pli bona socio. Ni profitas la okazon por sendi gratulojn nome de la kubaj virinoj al ĝiuj virinoj tra la mondo esprimante la certecon ke pli bona mondo eblas, kaj virinoj en ĝi rolas centre kaj grave kune kun ĝiuj fortoj de la socio.

<https://www.radiohc.cu/index.php/eo/especiales/exclusivas/86532-kubo-kaj-la-virina-rolo-en-la-centro-de-la-socia-vivo>



Radio Habana Cuba